

Isu pembelian rumah dalam Bajet 2017

SH 17/10



ISU pembelian rumah dalam kalangan generasi muda dijangka menjadi antara keutamaan dalam Bajet 2017 yang akan dibentangkan di Dewan Rakyat pada 21 Oktober ini.

Timbalan Menteri Kewangan 1, Datuk Othman Aziz berkata, isu ini perlu diberi perhatian berikutan ramai golongan muda tidak dapat memiliki rumah disebabkan harga yang tinggi.

“Ramai golongan muda tidak dapat membeli rumah disebabkan harganya yang mahal selain tidak mampu dari

segi pendapatan.

“Perkara ini perlu dilihat dengan mencari kaedah untuk menangani ‘lompong’ yang wujud disebabkan komitmen kewangan lain seperti pinjaman PTPTN (Perbadanan Tabung Pendidikan Tinggi Nasional), kereta, sewa rumah dan sebagainya yang menyebabkan mereka tidak layak meminjam,” katanya.

Beliau yakin Bajet 2017 akan berupaya meneruskan pembangunan ekonomi negara dengan mengambil kira keadaan ekonomi semasa.